

ՏՊԱԳՐՎԱԾ Է ԸՆԴԱՄԵՆԸ 2
ՕՐԻՆԱԿԻՑ

Կազմված է 03. Օգոստոս 2021թ.

ՕՐԻՆԱԿ _____ 1 _____

ՀԱՍՏԱՏՎԱԾ Է

ԳՐԱՆՑՎԱԾ Է

« ԱԶԳԻ ԶԱՅՆ »
ԿՈՒՍԱԿՑՈՒԹՅԱՆ
«03» օգոստոս 2021թ.

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ


ՀԻՄՆԱԴԻՐ ՀԱՄԱԳՈՒՄԱՐԻ
ԿՈՂՄԻՑ

ԳՐԱՆՑՄԱՆ ՀԱՄԱՐ 211.112.1194662

ՀԱՐԿ ՎՃԱՐՈՂԻ ՀԱՇՎԱՌՄԱՆ ՀԱՄԱՐ
00499866

ՆԱԽԱԳԱՀ՝

« 01 » 09 2021 թ.


(անորազրույթուն)

(անուն, ազգանուն)

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ



ԿԱՆՈՆԱԴՐՈՒԹՅՈՒՆ

« ԱԶԳԻ ԶԱՅՆ »
ԿՈՒՍԱԿՑՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

1.1 «Ազգի ծայն» կուսակցությունը (այսուհետև՝ Կուսակցություն) անհատական անդամության հիման վրա ստեղծված հասարակական միավորում է, որն իր գործունեությունն իրականացնում է անդամության կամավորության, ինքնակառավարման, անդամների իրավահավասարության, օրինականության, ժողովրդավարության, հրապարակայնության, թափանցիկության և նախաձեռնությունների ազատ դրսևորման սկզբունքներով:

1.2 Կուսակցությունն իրավաբանական անձ է, օգտվում է ՀՀ օրենսդրությամբ ընձեռված բոլոր իրավունքներից և կրում է դրանցով սահմանված պարտականություններ: Կուսակցությունը, նրա տարածքային և կառուցվածքային ստորաբաժանումները գործում են Կուսակցության կանոնադրության հիման վրա և դրան համապատասխան (այսուհետև՝ Կանոնադրություն):

1.3 Կուսակցությունը ղեկավարվում է Հայաստանի Հանրապետության Սահմանադրությամբ, «Կուսակցությունների մասին» Հայաստանի Հանրապետության սահմանադրական օրենքով, Հայաստանի Հանրապետության միջազգային պայմանագրերով, այլ նորմատիվ իրավական ակտերով և սույն Կանոնադրությամբ, ինչպես նաև Կուսակցության ծրագրով:

1.4 Կուսակցության անվանումն է՝

- հայերեն՝ «Ազգի Զայն» կուսակցություն (հապավումը՝ ԱԶԿ)
- ռուսերեն՝ Партия “Голос Нации” (հապավումը՝ ПГН).
- անգլերեն՝ “The vocise of Nation ” Party (հապավումը՝ TVON):

1.5 Կուսակցությունն ունի խորհրդանշան, ձևաթուղթ, կնիք, բանկային հաշիվներ, այդ թվում՝ արտարժույթով:

1.6 Կուսակցության խորհրդանշանը՝ քառակուսու մեջ պատկերված է շրջան, որի ներսում՝ տղամարդու և կնոջ գլխի սինվոլներ, որոնց մեջտեղում պատկերված է հայաստանի քարտեզը: Պատկերի շուրջը հայերեն, ռուսերեն և անգլերեն շրջանակաձև գրված է Կուսակցության անվանումը:

1.7 Կուսակցության իրավաբանական հասցեն՝ Հայաստանի Հանրապետություն, ք. Երևան, Սասունցի Դավթի փ., շենք 2:

2. ԿՈՒՍԱԿՑՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

2.1 Կուսակցության ստեղծման նպատակներն են՝ ազատական գաղափարների հիման վրա ժողովրդավարական ինստիտուտների զարգացումը, նրա ենթակառուցվածքների ստեղծումը և եղաձների կատարելագործումը, հանրաքվեներին, պետական և տեղական ինքնակառավարման մարմինների ընտրություններին մասնակցությամբ և հասարակության ու պետության քաղաքական

կյանքի մասնակցության այլ ձևերով, ժողովրդի քաղաքական կամքի ձևավորման և արտահայտման նպաստելն է և իշխանության մարմիններ ձևավորելը:

2.2 Կուսակցությունն իր գործունեության խնդիրներն է համարում՝

- քաղաքական համակարգում հավասարակշռված պայքարի հաստատում՝ փոխզսպման ու հավասարակշռման կառուցակարգերի զարգացման միջոցով
- քաղաքական նոր մշակույթի հաստատում
- Հայաստանի Հանրապետությունում քաղաքական շարունակական սերնդափոխության իրականացում,
- ելնելով «Երիտասարդությունը Հայաստանի ներկան է» կարգախոսից երիտասարդության քաղաքացիական ներուժի քաղաքականապես ամրագրում՝ վերջիններիս համար գործունեության ազատ դաշտի ստեղծման միջոցով, ինչպես նաև երիտասարդներին օժտելով իրական լծակներով, ռեսուրսներով և հնարավորություն ընձեռելով սեփական գաղափարներն ու գիտելիքները քաղաքականության և պետական կառավարման ոլորտում, գործնականում կիրառելու համար
- ընտրողի ինստիտուտի ձևավորում, որը կփոխարինի քվեարկողին,
- նպաստում Հայաստանի Հանրապետության եվրոպական մոդելի պետություն դառնալուն և եվրոպական ինտեգրացիայի շարունակմանը՝ ընդհուպ մինչև ԵՄ լիիրավ անդամակցություն,
- Հայաստանի Հանրապետությունում սոցիալ-տնտեսական, պետաիրավական և քաղաքական այնպիսի կառուցակարգերի ձևավորում, որոնք Հայաստանը աշխարհասփյուռ բոլոր հայերի համար կդարձնեն կենսական շահերի կենտրոն,
- առաջնորդվելով «քաղաքականությունը՝ որպես առաքինության դրսևորում և մարդկային կյանքը երջանիկ դարձնելու միջոց» սկզբունքով և լուսավորականության գաղափարներով՝ նպաստել հայ քաղաքական միտքը համաշխարհային մտքի դաշտ դուրս բերելուն ու քաղաքակիրթ աշխարհի ինքնաբավ ներկայացուցիչ դառնալուն,
- քաղաքական համակարգում ինստիտուտների կայացման նպաստում՝ քաղաքականության մեջ շեշտը դնելով ինստիտուտների, այլ ոչ թե անձանց վրա,
- քաղաքական սոցիալականացմանը և քաղաքական մշակույթի ձևավորման նպաստում, որի միջոցով հնարավոր կլինի հասարակության շրջանում տարածել քաղաքական գիտելիքներ և տեղեկատվություն՝ նրանց դարձնելով պատասխանատու և քաղաքական իրավունքների համար պայքարող քաղաքացիներ,

- հայ ազգային ինքնության տարրերի պահպանում և տարածում նպաստել հայ ազգի և նրա մշակույթի զարգացմանը,
- ազգային անվտանգության բոլոր բաղադրիչների ապահովում և ՀՀ պետական ինքնիշխանության ամրապնդում:

3. ԿՈՒՍԱԿՑՈՒԹՅԱՆ ԱՆՂԱՄԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1 Կուսակցությանը կարող են անդամակցել 18 տարին լրացած, ընտրական իրավունք ունեցող Հայաստանի Հանրապետության յուրաքանչյուր քաղաքացի, ով ընդունում է կուսակցության ծրագիրն ու կանոնադրությունը և չի հանդիսանում մեկ այլ կուսակցության հիմնդիր:

3.2 Կուսակցության հիմնադիր, ինչպես նաև անդամ չեն կարող լինել «Կուսակցությունների մասին» սահմանադրական օրենքով արգելված անձիք:

3.3 Կուսակցությանն անդամագրվում են կամավոր հիմունքներով և անհատական կարգով՝ համաձայն քաղաքական խորհրդի որոշման:

Եթե ՀՀ Սահմանադրությամբ և օրենքներով կուսակցությանն անդամակցությունն անթույլատրելի է դառնում, այն կասեցվում է կուսակցության անդամի դիմումի հիման վրա՝ քաղաքական խորհրդի որոշմամբ:

3.4 Կուսակցության անդամն իրավունք ունի՝

3.4.1 Ընտրել և ընտրվել Կուսակցության, ինչպես նաև տարածքային ստորաբաժանումների ղեկավար և վերահսկողություն իրականացնող մարմիններում, ինչպես նաև կառուցվածքային ստորաբաժանումներում:

3.4.2 Տեղեկատվություն ստանալ Կուսակցության ու նրա ղեկավար մարմինների գործունեության վերաբերյալ, վերահսկողություն իրականացնել նրանց գործունեության նկատմամբ, ստանալ փաստաթղթերի պատճեններ՝ Կուսակցության կանոնադրության փոփոխությունների, գույքի կառավարումից ստացած դրամական միջոցների վերաբերյալ, ինչպես նաև ստանալ Կուսակցության ֆինանսական հաշվետվությունների աուդիտն իրականացրած անկախ աուդիտորների եզրակացությունը:

3.4.3 Ներկա լինել Կուսակցության համագումարի նիստերին անձամբ՝ նախօրոք մասնակցության մասին տեղյակ պահելով վարչությանը կամ պատվիրակի միջոցով, ծանոթանալ Կուսակցության մարմինների արձանագրություններին, ստանալ նրանց ընդունած որոշումների պատճենները, Կուսակցության ղեկավար մարմինների քննարկմանը ներկայացնել հասարակական – քաղաքական կյանքի տարբեր հարցերի վերաբերյալ նախաձեռնություններ և առաջարկություններ:

3.4.4 Մասնակցել այն ժողովին կամ նիստին, որտեղ քննարկվում է նրա անձնական հարցը կամ առաջարկությունը, արտահայտել իր կարծիքը քննարկվող հարցերի վերաբերյալ:

3.4.5 Դուրս գալ կուսակցության շարքից իր դիմումի համաձայն:

3.4.6 Բաղորդարկել կուսակցության ղեկավար մարմինների որոշումներն ու գործողությունները կուսակցության վերադաս մարմիններում:

3.4.7 Կասեցնել և վերականգնել իր անդամությունը կուսակցությանը:

3.4.8 Օգտվել օրենքով և սույն կանոնադրությամբ նախատեսված այլ իրավունքներից:

3.5 Կուսակցության անդամը պարտավոր է՝

3.5.1 Գործել կուսակցության կանոնադրության և ծրագրի շրջանակներում:

3.5.2 Կատարել կուսակցության համագումարի, ղեկավար մարմինների որոշումները և ծրագրային դրույթները:

3.5.3 Վճարել անդամավճար վարչության կողմից սահմանված կարգով՝ իր եկամտի 1 տոկոսի չափով, բայց ոչ պակաս, քան ամսական 1000 դրամ:

3.5.4 Կատարել օրենքով նախատեսված այլ պարտականություններ:

3.6 Կուսակցությանն անդամակցությունը դադարում է՝

3.6.1 Համաձայն իր դիմումի՝ Կուսակցությունից դուրս գալու դեպքում,

3.6.2 Կուսակցությունից հեռացվելու դեպքում,

3.6.3 Մահվան դեպքում

3.6.4 Կուսակցության լուծարման դեպքում:

3.7 Կուսակցության անդամին խրախուսելու միջոցներն են՝

3.7.1 շնորհակալագրի, պատվոգրի, հուշանվեր կամ դրամական պարգև,

3.7.2 կարգապահական տոյժի հանելը:

3.8 Կուսակցության կանոնադրությամբ նախատեսված պարտականությունները կամ վերադաս մարմինների որոշումները չկատարելու, իր վարքագծով Կուսակցության վարքն ու հեղինակությունը արատավորելու, ինչպես նաև 3 ամիս անընդմեջ անդամավճար չվճարելու դեպքում կուսակցության անդամը կարող է ենթարկվել կարգապահական պատասխանատվության՝ նկատողություն, խիստ նկատողություն, կուսակցությունից հեռացում:

2.9 Կուսակցության անդամներին կարգապահական պատասխանատվության հարցի վերաբերյալ որոշում է ընդունում Կուսակցության մշտապես գործող ղեկավար մարմինը՝ Վարչությունը:

4. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

4.1 Կուսակցության բարձրագույն մարմինը Կուսակցության համագումարն է, Կուսակցության մշտապես գործող ղեկավար մարմինը Կուսակցության վարչությունն է: Կուսակցության մշտապես գործող ղեկավար մարմնի՝

վարչության ղեկավարն է Կուսակցության նախագահը: Կուսակցության վերահսկողություն իրականացնող մարմինը վերահսկիչ հանձնաժողովն է:

4.2 Կուսակցությունն ունի կառուցվածքային և տարածքային ստորաբաժանումներ որոնց ձևավորման և կազմալուծարման կարգը, ինչպես նաև լիազորությունները սահմանում է վարչությունը:

Կուսակցության տարածքային ստորաբաժանումների բարձրագույն մարմինը ստորաբաժանման ժողովն է, որին վերապահված է տվյալ ստորաբաժանման ցանկացած հարցի վերջնական հարցի լուծման իրավասություն, բացառությամբ տարածքային ստորաբաժանման վարությանը և վերստուգողին սույն կանոնադրությամբ վերապահված իրավասությունների:

Տարածքային ստորաբաժանումների ղեկավար և վերահսկողություն իրականացնող մարմինների ձևավորման և կազմալուծման կարգը սահմանվում Կուսակցության վարչության որոշմամբ: Տարածքային ստորաբաժանման ժողովը հրավիրվում է տարածքային ստորաբաժանման անդամների 1/3-ի պահանջով երկու տարին մեկ անգամ: Ժողովի կողմից 2 տարի ժամկետով տարածքային ստորաբաժանման անդամների կազմից ընտրվում է տարածքային ստորաբաժանման վարչություն և վերստուգող: Տարածքային ստորաբաժանման վարչությունը կոորդինացնում է տարածքային ստորաբաժանման աշխատանքները, հետևում՝ տարածքային ստորաբաժանմանը Կուսակցության վարչության կողմից օգտագործման տրամադրված գույքի օգտագործմանը: Տարածքային ստորաբաժանման վերստուգողը վերահսկողություն է իրականացնում տարածքային ստորաբաժանման գործունեության և Կուսակցության վարչության կողմից տարածքային ստորաբաժանմանը տրամադրված ֆինանսական միջոցների օգտագործման նկատմամբ: Տարածքային ստորաբաժանման վարչությունը և վերստուգողը պարտավոր են կատարելու տարածքային ստորաբաժանման ժողովի և Կուսակցության մարմինների որոշումները:

5. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ

5.1 Կուսակցության համաքգումարը Կուսակցության բարձրագույն մարմինն է, որի ընդունած որոշումները պարտադիր են Կուսակցության բոլոր մարմինների և անդամների համար: Կուսակցության համագումարում ընտրված բոլոր մարմինները հաշվետու են Համագումարին:

5.2 Կուսակցության հերթական համագումարը հրավիրվում է Կուսակցության մշտապես գործող ղեկավար գործադիր մարմն՝ վարչության կողմից՝ երկու տարին մեկ անգամ:

5.3 Համագումարին անձամբ մասնակցում են Կուսակցության անդամները, ովքեր ունեն 1 ծայնի իրավունք, իսկ Կուսակցության անդամներից ընտրված

պատվիրակների միջոցով մասնակցության դեպքում պատվիրակները առաջադրվում են վարչության կողմից: Կուսակցության անդամներից ընտրված պատվիրակների համամասնությունը սահմանում է վարչությունը:

5.4 Համագումարն իրավազոր է, եթե համագումարին ներկա է Կուսակցության անդամների ընդհանուր թվի կեսը, իսկ համագումարին պատվիրակների մասնակցության դեպքում՝ պատվիրակների ընդհանուր թվի առնվազն կեսը, բայց ոչ պակաս, քան 100 պատվիրակ:

5.5 Կուսակցության համագումարի որոշումները, բացառությամբ համագումարի բացառիկ իրավասության հարերով, ընդունվում են համագումարում ձայնի իրավունք ունեցող ներկաների ձայների մեծամասնությամբ:

5.6 Կուսակցության կանոնադրությունում և ծնագրում փոփոխություններ և լրացումներ կատարելու, ղեկավար և վերահսկողություն իրականացնող մարմինների ընտրության, մշտապես գործող ղեկավար մարմին՝ վարչության ղեկավարի՝ նախագահի ընտրության, Կուսակցության վերակազմավորման և լուծարման մասին որոշումներն ընդունվում են համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:

5.7 Արտահերթ համագումարը հրավիրում է վարչության որոշմամբ՝ Կուսակցության նախագահի առաջարկությամբ և Կուսակցության անդամների 1/5-ի նախաձեռնությամբ: Արտահերթ համագումար հրավիրելու որոշումը վարչության կայացնում է նրա անդամների ընդհանուր թվի ձայների մեծամասնությամբ:

Կուսակցության համագումարը

- Լսում և հաստատում է Կուսակցության նախագահի հաշվետվությունն իր և վարչության գործունեության մասին:
- Քննարկում և հաստատում է Կուսակցության ծրագիրը, կանոնադրությունը և դրանցում առաջարկվող փոփոխություններն ու լրացումները, հաստատում է նոր խմբագրությամբ կանոնադրությունը և ընդունում է նոր խմբագրությամբ ծրագիրը:
- Ընտրում է Կուսակցության մշտապես գործող ղեկավար մարմին՝ վարչության ղեկավար՝ նախագահ, դադարեցնում վերջինիս լիազորությունները:
- Ընտրում է Կուսակցության վարչություն, կազմալուծում այն:
- Որոշում է Կուսակցության ռազմավարական ուղին, Կուսակցության նպատկների և խնդիրների իրագործման գործելակերպն ու իրականացման ուղղությունները:
- Լսում և հաստատում է Կուսակցության վերահսկիչ հանձնաժողովի հաշվետվությունը:

- Որոշում է վերահսկիչ հանձնաժողովի անդամների թիվը և ընտրում Կուսակցության վերահսկիչ հանձնաժողով, կազմալուծում այն:
- Հաստատում է Ազգային շողովի հերթական ընտրություններում Կուսակցության ընտրական ցուցակում թեկնածուների՝ առնվազն առաջին երեք տասնյակին:
- Որոշում է ընդունում կուսակցության վերակազմակերպման և լուծարման մասին:

6. ԿՈՒՍԱԿՑՈՒԹՅԱՆ ՎԱՐՉՈՒԹՅՈՒՆԸ

6.1 Կուսակցության մշտապես գործող ղեկավար մարմինը Կուսակցության վարչությունն է, որն ընտրվում է կուսակցության համագումարում՝ 2 տարի ժամկետով: Վարչության անդամության թեկնածուներն առաջադրվում են Համագումարի անդամների կամ պատվիրակների կողմից՝ Կուսակցության կազմից: Վարչության անդամների ընտրությունը կատարվում է գաղտնի քվեարկությամբ: Ընտրված են համարվում համագումարի ձայնի իրավունք ունեցող մասնակիցների առավել կողմ ձայներ ստացած թեկնածուները: Վարչությունն իր գործունեությունն իրականացնում է նիստերի, որոշումների ընդունման, դրանց և Կուսակցության համագումարի որոշումների կատարման միջոցով:

6.2 Կուսակցության վարչության նիստը հրավիրվում են ամիսը մեկ անգամ: Կուսակցության նախագահի կամ վարչության անդամների 1/3-ի նախաձեռնությամբ կարող է հրավիրվել արտահերթ նիստ: Նիստն իրավազոր է, եթե ներկա են վարչության անդամների կեսից ավելին, որոշումներն ընդունվում են վարչության նիստի մասնակից անդամների ձայների մեծամասնությամբ:

Կուսակցության վարչությունը՝

- Կազմակերպում, ղեկավարում և վերահսկում է Կուսակցության համագումարի որոշումների կատարման ընթացքը:
- Հաստատում է Կուսակցության տարեկան բյուջեն և հաստատված տարեկան բյուջեի հիման վրա հաստատում է կուսակցության ծախսերի նախահաշիվը:
- Կուսակցության անունից կնքում է քաղաքացիաիրավական գործարքներ:
- Հրավիրում է Կուսակցության հերթական համագումար և նախապատրաստում դրա անցկացումը:
- Որոշում է կայացնում համագումարի օրակարգի նախագիծը հաստատելու մասին:

- Որոշում է համագումարի գումարման օրը, պատվիրակների ընտրության կարգը, ընդհանուր թիվը, անդամներից ընտրված պատվիրակների համամասնությունը:
- Հրավիրում է Կուսակցության արտահերթ համագումար կուսակցության նախագահի առաջարկությամբ և կուսակցության անդամների 1/5 նախաձեռնությամբ:
- Փոփոխություններ է կատարում համագումարի կողմից Ազգային շողովի ընտրությունների համար հաստատված ընտրական ցուցակներում, եթե համագումարի կողմից հաստատվելուց հետո ընտրական ցուցակում փոփոխություն կատարելու անհրաժեշտությունն առաջացել է Կուսակցության կամքից անկախ պատճառներով:
- Որոշում է կայացնում Կուսակցության լուծարման մասին, եթե համագումարն իրավագոր չի եղել:
- Հաստատում է Ազգային շողովի հերթական ընտրություններում կուսակցության ընտրական ցուցակը թեկնածուների այն մասով, որոնց հաստատումը սույն կանոնադրությամբ վերապահված չէ համագումարին, ինչպես նաև հերթական և արտահերթ ընտրություններում կուսակցությունների դաշինքի ընտրական ցուցակը:
- Հավանություն է տալիս Ազգային ժողովում և կառավարությունում քաղաքական պաշտոններում նշանակման կամ ընտրության ներկայացվող Կուսակցության թեկնածուներին:
- Քննարկում և հաստատում է Կուսակցության նախընտրական ծրագիր:
- Քննարկում և լուծում է Կուսակցության ընթացիկ գործունեությանն առնչվող խնդիրները:
- Մշակում է Կուսակցության գաղափարախոսական հիմնադրույթները, կանոնադրական, ծրագրային և կուսակցության մարտավարական սկզբունքները:
- Որոշում է ընդունում տեղական ինքնակառավարման մարմինների ղեկավարների և համամասնական ընտրակարգով ընտրվող համայնքների ավագանիների ընտրություններում թեկնածուներ առաջադրելու մասին:
- Որոշում է ընդունվում Ազգային ժողովի և ինչպես նաև համայնքների՝ համամասնական ընտրակարգով անցկացվող ավագանու ընտրություններում միայնակ կամ դաշինքով մասնակցելու մասին:
- Ընդունում է Կուսակցության ակտեր /որոշում, հանձնարարականներ, հրահանգ, հայտարարություն, ցուցում և այլն/, բացառությամբ համագումարի և վերահսկիչ հանձնաժողովի իրավասությանը վերապահված ակտերի:
- Անհրաժեշտության կամ բողոքարկման դեպքում վերանայում է Կուսակցության կառույցների որոշումները:

- Կուսակցության անունից անում է հայտարարություններ:
- Համակարգում և հսկողություն է իրականացնում Կուսակցության լրատվամիջոցների և կառուցվածքային ստորաբաժանումների գործունեության նկատմամբ:
- Որոշում է կայացնում Կուսակցության գործունեության բոլոր այն հարցերի վերաբերյալ, որոնք կանոնադրությամբ վերապահված չեն Կուսակցության համագումարի, վերահսկիչ հանձնաժողովի և նախագահի բացառիկ իրավասությանը:
- Իրականացնում է Կուսակցության՝ որպես իրավաբանական անձի լիազորությունները, հաստատում է Կուսակցության գույքի կառավարման կարգը:
- Հաշվետու է համագումարին:

6.3 Կուսակցության վարչությունը հաստատում է Հայաստանի Հանրապետության Ազգային ժողովի և համամասնական ընտրակարգով ընտրվող համայնքների ավագանիների ընտրություններին Կուսակցության ընտրական ցուցակների ձևավորման կարգը՝ համաձայն «Հայաստանի Հանրապետության ընտրական օրենսգիրք» Սահմանադրական օրենքով ընտրական ցուցակներին ներկայացվող պահանջների:

7. ԿՈՒՍԱԿՑՈՒԹՅԱՆ ՆԱԽԱԳԱՀԸ

7.1 Կուսակցության վարչության նախագահը, ով նաև Կուսակցության նախագահն է, ընտրվում համագումարի կողմից 2 տարի ժամկետով՝ համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ: Կուսակցության նախագահի թեկնածություններն առաջադրվում են համագումարի մասնակիցների կողմից: Եթե առաջադրվել են մեկից ավելի թեկնածուներ, ապա քվեարկության արդյունքում ընտրված է համարվում համագումարի ձայնի իրավունք ունեցող մասնակիցների առավել ձայներ ստացած թեկնածուն:

Կուսակցության նախագահը՝

- Իրականացնում է Կուսակցության և վարչության ղեկավարումը:
- Ներկայացնում է Կուսակցության շահերը և դիրքորոշումը պետական և տեղական ինքնակառավարման մարմինների, հասարակական, քաղաքական և միջազգային կազմակերպությունների հետ ունեցած հարաբերություններում կամ այդ նպատակով լիազորում Կուսակցության այլ անդամների:
- Հրավիրում է Կուսակցության վարչության նիստերը:
- Հերթական համագումարի հրավիրումից մեկ ամիս առաջ հրավիրում է Կուսակցության վարչության նիստ, որում հաստատվում է համագումարի օրակարգի նախագիծը,

- Տնօրինում է Կուսակցության գույքը և դրամական միջոցները:
- Բոլոր գործարքները կնքում է նախագահը՝ վարչության որոշմամբ:
- Կուսակցության անունից իր իրավասության սահմաններում ստորագրում է բոլոր անհրաժեշտ փաստաթղթերը:
- Հաստատում է օրենքով սահմանված կարգով ու ժամկետում պետական լիազոր մարմին ներկայացվող Կուսակցության ֆինանսական հաշվետվությունները:
- Յուրաքանչյուր տարի Հայաստանի Հանրապետության հրապարակային ծանուցումների պաշտոնական ինտեռնետային կայքում հրապարակում է Կուսակցության ֆինանսների և գույքի օգտագործման վերաբերյալ հաշվետվությունները:
- Իրականացնում է սույն կանոնադրությամբ և Կուսակցության համագումարի կողմից իրեն վերապահված այլ լիազորություններ,

7.2 Կուսակցության կառուցվածքային ստորաբաժանում հանդիսացող ուսանողական միությունը կազմավորվում է վարչության որոշմամբ՝ Կուսակցությանը անդամագրված երիտասարդներից: Ուսանողական միությունը համախմբում է Կուսակցության երիտասարդ անդամներին՝ Կուսակցության քաղաքական ծրագրերի իրականացումն ապահովելու համար:

8. ԿՈՒՍԱԿՑՈՒԹՅԱՆ ՎԵՐԱՀՍԿԻՉ ՀԱՆՁՆԱԺՈՂՈՎ

8.1 Կուսակցության ներքին վերահսկողությունն իրականացնելու, Կուսակցության մարմինների կողմից ՀՀ օրենսդրության, սույն կանոնադրության, ինչպես նաև համագումարի կայացրած որոշումների պատշաճ կատարումը վերահսկելու նպատակով համագումարի կողմից 2 տարի ժամկետով ընտրվում է Վերահսկիչ հանձնաժողով:

8.2 Վերահսկիչ հանձնաժողովի անդամը չի կարող միաժամանակ լինել Կուսակցության վարչության անդամ կամ Կուսակցության ղեկավար:

8.3 Վերահսկիչ հանձնաժողովի անդամներն իրենց կազմից ընտրում են հանձնաժողովի նախագահ, որն ընտրվում է հանձնաժողովի անդամների ձայների մեծամասնությամբ:

8.4 Վերահսկիչ հանձնաժողովը հաշվետու է Կուսակցության համագումարին:

8.5 Վերահսկիչ հանձնաժողովը որոշումներ է ընդունում, եթե հանձնաժողովի նիստին մասնակցել է հանձնաժողովի անդամների կեսից ավելին, որոշումներն ընդունվում են հանձնաժողովի անդամների ձայների մեծամասնությամբ:

Վերահսկիչ հանձնաժողովը՝

- Վերահսկողություն է իրականացնում Կուսակցության ընդհանուր և ֆինանսատնտեսական գործունեության նկատմամբ:

- Վերահսկում է Կուսակցության դրամական միջոցների ձևավորման և ծախսման գործընթացները:
- Ստուգում է դրամական միջոցների մոուտքերի և ելքերի օրինականությունը:
- Վերահսկում է Կուսակցության գույքի տնօրինման, տիրապետման և օգտագործման գործընթացները:
- Ստուգում է Կուսակցության գույքի հետ կապված գործընթացները:

9. ԿՈՒՍԱԿՑՈՒԹՅԱՆ ՍԵՓԱԿԱՆՈՒԹՅՈՒՆԸ ԵՎ ԴՐԱՄԱԿԱՆ ՄԻՋՈՑՆԵՐԸ

9.1 Կուսակցության կողմից ստացված, ինչպես նաև սեփական միջոցների հաշվին ստեղծված և ձեռք բերված գույքի սեփականատերը Կուսակցությունն է:

9.2 Կուսակցության գույքը գոյանում է «Կուսակցությունների մասին» սահմանադրական օրենքի 24-րդ հոդվածով նախատեսված նվիրատվություններից և 26-րդ հոդվածով նախատեսված կարգով բյուջետային ֆինանսավորումից, ինչպես նաև օրենսդրությամբ չարգելված այլ մուտքերից:

9.3 Կուսակցության գույքը և դրամական միջոցները տնօրինում է Կուսակցության նախագահը՝ քաղաքական ;որհրդի համաձայնությամբ, կամ քաղաքական խորհրդի կողմից լիազորվելու դեպքում կարող է տնօրենել քաղաքական խորհրդի անդամներից մեկը՝ ըստ Կուսակցության քաղաքական խորհրդի կողմից հաստատած նախահաշվի և կարգի:

10. ԿՈՒՍԱԿՑՈՒԹՅԱՆ ՎԵՐԱԿԱԶՄԱԿԵՐՊՄԱՆ ԵՎ ԼՈՒԾԱՐՄԱՆ ԿԱՐԳԸ

10.1 Կուսակցության վերակազմակերպման դեպքում նրա իրավունքներն ու պարտականությունները բաշխվում են Հայաստանի Հանրապետության քաղաքացիական օրենսգրքին համապատասխան

10.2 Կուսակցության վերակազմակերպման նախաձեռնությամբ կարող է հանդես գալ Կուսակցության վարչությունը կամ Կուսակցության անդամների կամ պատվիրակների առնվազն 1/3-ը՝ գրավոր պահանջով:

10.3 Կուսակցության վերակազմակերպման և լուծարման մասին որոշումն ընդունվում է Կուսակցության համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:

10.4 Կուսակցությունը լուծարվում է Հայաստանի Հանրապետության քաղաքացիական օրենսգրքով և օրենքով սահմանված կարգով: Կուսակցության լուծարման դեպքում պարտատերերի պահանջները

բավարարելուց հետո Կուսակցության գույքը տնօրինվում է ՀՀ օրենսդրությամբ սահմանված կարգով:

Կուսակցության դատական կարգով լուծարումից հետո մնացած գույքը փոխանցվում է Հայաստանի Հանրապետությանը:

10.5 Եթե Կուսակցության լուծարման համար հրավիրված համագումարն իրավագոր չէ, ապա Կուսակցության լուծարման մասին որոշումն ընդունում է Կուսակցության վարչությունը: Կուսակցության վարչության իրավագոր չլինելու դեպքում Կուսակցությունը լուծարվում է Կուսակցության հիմնադիրներից մեկի որոշմամբ: Այս դեպքում Կուսակցության լուծարման մասին որոշումը համարվում է ընդունված, եթե որոշումը կայացնելու օրվանից հետո՝ 3 ամսվա ընթացքում Կուսակցության համագումարը կամ քաղաքական խորհուրդը այլ որոշում չի կայացրել:

10.6 Կուսակցության գործունեությունը Սահմանադրական դատարանի որոշմամբ արգելվելու դեպքում, Կուսակցության նկատմամբ սկսվում է լուծարման գործընթաց: Այդ դեպքում լուծարային հանձնաժողովի իրավասություններն իրականացնում է Կենտրոնականն Ընտրական հանձնաժողովի վերստուգիչ-վերահսկիչ ծառայության կողմից ստեղծված հանձնաժողովը, և լուծարումից հետո Կուսակցության մնացած գույքը փոխանցվում է Հայաստանի Հանրապետությանը օրենքով սահմանված կարգով:

10.7 Կուսակցությունը կարող է դադարեցնել իր գործունեությունը լուծարման միջոցով՝ համագումարի որոշմամբ՝ օրենքով սահմանված կարգով:

